0.0.1 sammādiţţhisuttam

- 1. evam me sutam: ekam samayam bhagavā sāvatthiyam viharati jetavane anāthapindikassa ārāme. tatra kho āyasmā sāriputto bhikkhū āmantesi: āvuso bhikkhavoti. āvusoti kho te bhikkhū āyasmato sāriputtassa paccassosum. āyasmā sāriputto etadavoca:
- 2. sammādiţţhi sammādiţţhīti āvuso vuccati, kittāvatā nu kho āvuso ariyasāvako sammādiţţhi¹ hoti. ujugatāssa diţţhi. dhamme aveccappasādena samannāgato āgato imaṃ saddhamma'nti²?
- 3. dūrato'pi kho mayam āvuso āgaccheyyāma āyasmato sāriputtassa santike etassa bhāsitassa atthamaññātum, sādhu vatāyasmantam yeva sāriputtam paṭibhātu etassa bhāsitassa attho, āyasmato sāriputtassa sutvā bhikkhū dhāressantīti. tenahāvuso³ syā) sunātha sādhukam manasi karotha bhāsissāmīti. evamāvusoti kho te bhikkhū āyasmato sāriputtassa paccassosum. āyasmā sāriputto etadavoca:
- **4.** yato kho āvuso ariyasāvako akusalanca pajānāti, akusalamūlanca pajānāti. kusalanca pajānāti, kusalamūlanca pajānāti. ettāvatā'pi kho āvuso ariyasāvako

¹sammādiţţhi (syā)

²saddhammam (machasam)

³tena hi āvuso (machasaṃ pts page 047

sammādiţţhi hoti. ujugatāssa diţţhi. dhamme aveccappasādena samannāgato āgato imaṃ saddhamma'nti.

- 5. katamam panāvuso akusalam? katamam akusalamūlam? katamam kusalam⁴? katamam kusalamūla'nti⁵?
- 6. pāṇātipāto kho āvuso akusalam, adinnādānam akusalam, kāmesumicchācāro akusalam, musāvādo akusalam, pisuṇāvācā akusalam, pharusāvācā akusalam, samphappalāpo akusalam, abhijjhā akusalam, byāpādo akusalam, micchādiṭṭhi akusalam, idam vuccatāvuso akusalam.
- 7. katamañcāvuso akusalamūlaṃ? lobho akusalamūlaṃ, doso akusalamūlaṃ, moho akusalamūlaṃ. idaṃ vuccatāvuso akusalamūlaṃ.
- 8. katamañcāvuso kusalam? pāṇātipātā veramaṇī kusalam, adinnādānā veramaṇī kusalam, kāmesu micchācārā veramaṇī kusalam, musāvādā veramaṇī kusalam, pisuṇāvācā veramaṇī kusalam, pharusāvācā veramaṇī kusalam, samphappalāpā veramaṇī kusalam, anabhijjhā kusalam, abyāpādo kusalam, sammādiṭṭhi kusalam, idam vuccatāvuso kusalam.

⁴katamaṃ panāvuso (kusalaṃ syā)

⁵kusalamūlaṃ (machasaṃ)

bit page 112

- 9. katamañcāvuso kusalamūlam? alobho kusalamūlam, adoso kusalamūlam, amoho kusalamūlam, idam vuccatāvuso kusalamūlam.
- 10. yato kho āvuso ariyasāvako evam akusalam pajānāti, evam akusalamūlam pajānāti, evam kusalam pajānāti, evam kusalam pajānāti, evam kusalam pajānāti, so sabbaso rāgānusayam pahāya paṭighānusayam paṭivinodetvā asmīti diṭṭhimānānusayam samūhanitvā avijjam pahāya vijjam uppādetvā diṭṭheva dhamme dukkhassantankaro hoti. ettāvatā'pi kho āvuso ariyasāvako sammādiṭṭhi hoti. ujugatāssa diṭṭhi, dhamme aveccappasādena samannāgato, āgato imam saddhamma'nti.

⁶dukkhassantakaro (machasaṃ, syā, pts)